

■軒仔跟粉絲握手。



張敬軒日前到美國拉斯維加斯舉行演唱會，吸引世界各地歌迷捧場。由於之前在新加坡開騷，軒仔落台跟歌迷互動時，不慎被熱情歌迷撞跌咪高峰，維修費高達兩隻勞力士的價錢！今次他落台前特別提醒歌迷：「唔錫住我唔緊要，但一定要錫住我支咪！」



■軒仔跟女舞 蹈員跳探戈。



微軟全球死機 無阻歌迷萬里朝聖

軒仔美國開騷 力保天價咪

日前張敬軒展開《The Prime Classics HINS CHEUNG LIVE 張敬軒演唱會》美加巡唱，雖然當時微軟死機，令各地機場大癱瘓，但各地歌迷依然排除萬難到場睇騷，軒仔感動說：「多謝大家不理千里、萬里嚟到拉斯維加斯睇我嘅演出，知道增加咗佢哋嚟嘅難度，有啲要飛廿幾個鐘、有啲飛咗去某個地方，然後要再坐十個鐘頭車先到，好彩大家可以齊齊整整嚟到。」

當晚軒仔除了獻唱新歌《青春告別式》，還有不少代表作，例如《櫻花樹下》、《笑忘書》、《餘震》等，都變成「大合唱環節」，軒仔興奮說：「我喺台度見好多朋友一齊唱《餘震》，突然之間見到呢位外籍女士，佢識唱《餘震》呀，佢真係好犀利！突然令我覺得自己好似外國明星，好犀利呀！我第一次見到有外籍人士唱我啲歌，除咗我『遮遮』之外。好神奇！我想話，你（外籍女士老公）真係好有福氣，你老婆愛你愛到連廣東歌都學。」隨即全場歡呼。

軒仔落台跟歌迷握手前，語重心長叫大家冷靜，他說：「上次我喺新加坡，因為大家太熱情撞跌我支咪，我支咪特登 send 去德國整，整咗我兩隻勞力士嘅價錢，所以希望陣間大家唔錫住我唔緊要，但一定要錫住我支咪，知唔知？哈哈。」歌迷十分聽話，最後軒仔與咪高峰安全返



■全場歌迷跟軒仔大合唱。

回台上。

此外，軒仔效法 Adele 去年演唱會上派 T 恤給歌迷，更是「加強版」，他說：「佢送 T 恤畀觀眾係有支槍嘅，一射就射到好遠，但今次我有準備到槍，準備咗一支『炮』……事不宜遲，我請我支『炮』出嚟先，呢個美國 friend 好勁，佢可以射得好……唔係，係掙得好遠。」隨後他與友人瘋狂將 T 恤拋向觀眾，氣氛熾熱。

黃翠如升呢大姨媽 睇好連詩雅囡囡多人追



■方力申每日收工都會跟女友視像通話。



■翠如讚連詩雅女兒很可愛。

TVB 奧運主持方力申、黃翠如、何振然、莊琬晴及鄭衍峰前晚隨外景隊飛往巴黎，採訪今屆奧運會。翠如表示共逗留十多日，但只帶了兩箇行李，包括「奧運天書」和六七套主持制服來替換。提到好姊妹連詩雅 (Shiga) 日前生女，翠如說：「BB 好得意，好少 BB 一出世個鼻樑咁高，輪廓好突出，我仲打開佢啲手指同腳趾嚟睇，好修長似媽咪，將來一定好多人追。」問到會否上契做契媽？她笑言：「應該好多人爭住做契媽，咁叫我都幾好。」

方力申表示臨行前獲圈外女友葉萱叮囑要多視像通話聯繫，他坦言沒想過叫女友同行，因此行爲工作，之後他要趕回來為中山巡唱第二站作準備。

王菲發聲明否認開騷

樂壇天后王菲近日陪細女李嫣到台灣遊玩，順道與好友邱瓊寬相聚，卻竟然被化作假新聞，指二人商討舉行演唱會，情緒高漲地商量的長達6小時，甚至瘋傳11月開騷！昨日王菲經理人陳家瑛發聲明否認：「最近關於王菲已落實今年開演唱會的傳聞屬於不實消息，王菲暫時並無計劃舉行任何形式的演唱會。請大家保護自己的權益，以免受騙。」並指會保留法律追究權利：「再有人胡亂報道或假消息影響導致他人受騙，必追究到底。」



■王菲暫時無意開騷。

吉吉女兒生日 冼靖峰送驚喜

周吉佩 (吉吉) 早前指大女包包喜歡冼靖峰 (Archie)，適逢包包生日，吉吉決定送驚喜給女兒，邀請 Archie 出席生日會。當包包見到偶像出現，即興奮說：「我要同 Archie 坐！」兩人合照時一起做心形手勢，之後 Archie 更與包包玩自拍，包包即笑得非常燦爛，吉吉忍不住說：「你有咁樣笑過，死囉！」事後吉吉在社交平台上載生日會照片，並留言：「再次多謝『池仔』送呢個生日驚喜畀包姐！」Archie 回覆：「包姐開心就好了！預祝生日快樂！」



■周吉佩 (左) 女兒是冼靖峰的粉絲。